

جَزَائِرَ مَحَاكِمَ

جمعه ایرتسی

نومرو	محرم	سنه	تموز	سنه	صحیفه
۷۸۰	۲۴	۱۳۱۲	۱۶	۱۳۱۰	۱۱۵۹۷

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولاق اوزره یوز پاره به هر یرده صاتیلور . درج اولنه حق)
 (اعلا ناک هر برندن بر مجیدیه اخذ اولنور . سنه لکنه مشتری اولوق استیانیلر عدلیه نظارتی)
 (دائرة سنده کائن جریده محاکم اداره سنه مراجعت ایلملیدر)

قسمت رسمی

(فی ۲۰ محرم سنه ۳۱۲ و فی ۱۲ تموز)
 (سنه ۳۱۰ تاریخده بالجملة ولایات استیناف)
 (محکمه سی مدعی، عمومیلرینه و مدعی، عمومی)
 (بولتمیان محللر مدعی، عمومی معاوئلرینه یازیلان)
 (تحریرات عمومی صورتیدر)

نواحی مدیرلری اصول محاکمات جزائیه
 قانوننک قرق بشنجهی ماده سنده تعداد اولسان

ضابطه عدلیه مأمورلری عدادنده داخل اولمغله
 صفت ملکیه و عدلیه بی حائز مأموریندن
 بولندقلری جهته وظائف عدلیه لرنبجه سوء
 استعماللری وقوعنده صفت عدلیه لری اعتباریله
 محاکم نظامیه ده اجرای محاکمه لری و قبل المحاکمه
 مرجعندن مأذونیت استحصالی ایجاب ایدرایسه ده
 بوبابده بر امر و نظام بولندقی بیانیله استفسار
 معامله یه دائر قسطنطونی ولایتندن تقدیم اولنوب
 داخلیه نظارتنک تذکره سیله معاً شورای دولته
 حواله بیورلمش اولان تحریرات اوزرینسه
 اقتضاسی لدی المذاکره نواحی مدیرلری ضابطه

عدليه مأموريتى دخی حائز اولدقلرى جهته
بو وظیفه لرندن طولایى لزوم کوريله جک
محاکمه لرینى محاکم نظامیه ده اجراسی فقط
قبل الحاکمه اجرا قلنه حق تحقیقات اولیه اوزرینه
منسوب اولدینی ولایت ویا لوا والیه ویا
متصرفی طرفندن علی الاصول مأذونیت استحصالی
حقنده شورای مذکور تنظیمات دائره سندن
مجلس مخصوص وکلاده مطالعه اولنان
۴ جمادى الاخر سنه ۳۱۱ تاریخ وایکى بیک
سکسان یدى نومرولى مضبطه نك کوندرلدىكى
بیان عالیسیله اجرای ایجابیه دائر شرفوارد اولان
۱۲ جمادى الاخر سنه ۳۱۱ و ۹ کانون اول
سنه ۳۰۹ تاریخى تذکره سامیه ده امر و اشعار
یسورلش و نظارتیه دخی بالنسب و کیفیت
هر طرفه تعمیماً تبلیغ قلنمش اولدیغندن لدی
الحاجه مأموریت داخلنده بولنان محاکمه
برمنوال محرر ایقای معامله به ابتدار اولنقى اوزره
اشبوتحریرات عمومیه نك نسخ مطبوعه کافیه سی
دخی لفاً ارسال قلنمش اولمغله اولوجهله
معامله نك ایقاسی .

قسم غیر رسمی

کسکین بدایت محکمه سندن ۱۹ تموز سنه ۹۵
تاریخی ویکرمی بر عددی ایله ویریلان اعلامک
تمیزینی استدعا ایدن معدن قصبه سنده مقیم متوفی
سراج خلیل اوغلارندن اسماعیل یوم معینه
دائره کلوب محمود و ابراهیم ایله تمیز علیهما
قصبه مذکوره ده مقیم خره لم و شیشمان قوزمه
اوغلی قوزمه کلدکری کی جواب لایحه سی دخی
کوندرمدکلرندن مرقوم اسماعیلک ایضاحات
شفاهیه سی استماع اولنهرق تدقیقات تمیزیه اجراسنه
ابتدار قلندی .

اعلام مذکورک خلاصه مالى مرقومان خره لم
وقوزمه نك متوفای مزبور خلیلک حال حیاتنده
قائمه اقچه اولهرق ایکی بیک غروش ثمن مقابلنده
کندولرینه بیع وفروخت ایلدیکی معلوم الحدود
بر باب دکانه مداخله ابتدیکندن بختله منفی طلب
وادعا و برقطعه سند ابرازواعطا ایلملرینه قارشو
مدعی علیه مرقوم خلیل دخی مبرز سند زیرنده کی
مهرینی اقرار ایدوب فقط مضمونى انکار ایله
برابر مدعیلردن قوزمه ایله میانه لرنده اولان

محاسبه نك رؤیتنه دکین مرقومدن یکرمی عدد
قائمه الهرق مذکور دکان رهن اولمق اوزره
سند مذکورى ویردکدن صکره یوز غروشی
اعاده وتسليم ایلدیکی و مذکور دکانی حضور
حاکمه فارغ اولدیغنی مدافعه تذکار ایتسیله
اولبابده اجرا قلنان محاکمه و تدقیقات نتیجه سنده
مذکور سندک رهن طریقله ویرلیوب بیع ناطق
اولدینی جمله مندرجاتندن اکلشلمغله مجله نك
یوزنجی و بیک التیوز سکرنجی و بیک التی یوز
طقوزنجی ماده لری موجبجه منازع فیسه دکانک
مدعی مرقومانه تسلیمنه حکمدن واشبو حکم
علیهنده مستدعی تمیزلرک لایحه لرنده محرر
باشلوچه اعتراضی خصملری طرفندن ابراز اولنوب
محکمه جه مدار حکم اتخاذ اولنان سالف الذکر سند
مضموننك بلاینه معتبر عد ایدلسی مغایر قانون
اولدیغندن بختله اعلامک نقضی استدعا سندن
عبارت بولنمشدر .

ایجابی لدی المذاکره اعلام مذکور مآلندن
اکلاشلمدینی اوزره محکمه بدایتجه مدار حکم
اتخاذ اولنان سندک مضمونی مدعی علیه طرفندن
انکار ایله برابر دکان مذکور رهن اولمق اوزره
سند مذکورک رهن اولهرق ویرلیدیکی بیان

و افاده قلنمش اولسنه کوره محکمه مذکوره جه
سند منازع فی مضموننك یننه شرعیه ایله اثبات
ایتدیرلسی لازم کلور ایکن محکمه مذکوره جه
بوراسندن ذهول ایله مدعی علیه انکاری تحتنده
مذکور سند موقوف مهرک مجرد مدعی علیه
طرفندن اقرار اولدیغنی سر رشته سیله برمنوال
محرر اعطای حکم اولنسی یولسز و اصول وقانونه
مغایر و مستدعی تمیزلرک اعتراضلری موافق
نفس الامر کورنمش اولدیغندن اصول محاکمه
حقوقیه قانوننك ایکوز اوتوز ایکنجی ماده سی
موجبجه اعلام مذکورک تقضیه قانون مزبورک
ایکوز قرق دردنچی ماده سی حکمنه توفیقاً کیفیتک
صور مشروحه دائره سنده یکیدن بالرؤیه اعلامه
ربطی ضمننده محکمه مرقومه به اعاده سنه وزیرده
مفرداتی مرقم درتیوز سکسان طقوزغروش مصارف
تمیزیه نك ایلروده حقسز چقه حق طرفه رجوع
ایتمک اوزره اول امرده مستدعیلردن استیفا سنه
۲۷ نیشان سنه ۳۱۰ تاریخنده اکثریت آرا ایله
قرار ویریلهرک تفهیم قلندی .

بارطین بدایت محکمه سندن ۲۷ کانون اول
سنه ۳۰۶ تاریخی والی بش عددی ایله ویریلان
اعلامک تمیزی استعدا ایدن بارطین قضاسنک
مجلس قریه سنده مقیم متوفی لیغور زوجہ سی صوفیہ
قادرین ایلہ میز علیہ محله مذکورہ ده ساکن
پاپاس اوغلی لفر یوم معینده دائرہ کلدکلرندن
اصول محاکمہ حقوقہ قانوننک ایکوز بکرمی
طقوزنجی ماده سی موجبہ تدریقات تمیزیہ
اجرا سنہ ابتدار اولندی .

اعلام مذکورک خلاصہ مالی بارطین صندوق
امینی اسبق یورغا کینک تبیین ایدن ذمت امیریہ سی
اولوب مجلس اداره قضاسنک اعلامی موجبہ
حسب الکفاله مرقوم لفتردن تحصیل اولندی
تحقیق ایدن بکرمی بر بیک ایکوزاون ایک غروش
اوتوز اوچ پاره دن بدی بیک یتیم اوچ غروش
اون پاره نک کفالت مذکورہ ده شریک بولندی
اولساده کی کفالتنامہ مندرجاتیلہ ثابت اولان
مز بورہ صوفیہ قادرینک زوجی لیغوردن تحصیلہ
املاکنہ وضع اولسان جزک تصدیقہ و حکمک
موقتاً اجرا سنہ دائر ویریلان اعلامک اسباب
قانونیہ مبنی تمیزاً نقض واعادہ سندن صکرہ تبیین
قانون کونده مدعی لفر وکیلک و جاہنده و مدعی

علیہ لیغورک دعوتہ اجابت ایتماسنہ مبنی تبیین
اولسان وکیل مسخر حضور یلہ غیابنده جریان
ایدن محاکمہ و تدریقات نتیجہ سنده مزبور لیغورک
کفالتی سالف الذکر محکمه بدایت اعلامندہ محرر
اقراری و مجلس اداره نک ۵ نیشان سنہ ۳۰۲
تاریخی اعلامی مندرجاتیلہ مثبت ایدوکنہ بناء
مجلہ نک التیوز قرق بدنجی ماده سی حکمجنہ مبلغ
مذکورک مع فائض مرقوم لیغوردن تحصیلہ دائر
اعطا قلنان اعلام غیابی علیہندہ مرقوم لیغور
اعتراض علی الحکم استدعای اعطا ایتدیکی حالده
مؤخرآ تبیین قلنان کونده دعوتہ اجابت
ایتمیکندن وکیل مسخر تعیینیلہ غیاباً اجرا قلنان
تدریقات و محاکمات نتیجہ سنده مبالغ مکفول بہانک
سنداً تأدیہ ایدلیدی مرقوم لیغور جانبدن دعوی
اولنش ایکن وکیلک اصل دینک مواضع دن
عبارت اوله رق مدعی لفر کینک مدیون یورغا کی بہ
وکالتی زمانندہ ذمتہ تعلق ایتیم اولدیغنه دائر
درمیان ایدلیدی ادعا یکدیگریہ مناقض اولوب مجلہ
احکامجنہ دعوانک بطلانی موجب اولدیغنه بناء
اعتراض علی الحکم استدعاسنک ردیلہ حکم غیابینک
تصدیقہ قرار ویرلیدکندن و اشبو حکم علیہندہ
مستدعیہ نک لایحہ سنده محرر باشلوجہ اعتراضی
اصل مدیون یورغا کینک مبالغ محکوم بہی کفیل

لفرہ تأدیہ ایتدیکی حقندہ بدایت وقوعبولان
ادعاسنک تدریق ایدلامسی مغایر قانون اولدیقندن
بجیلہ اعلامک نقضی استدعاسندن و مجز علیہ لفرک
نتیجہ جوابی دخی موافق قانون اولان اعلامک
تصدیق طلبندن عبارتدر .

ایجابی لدی المذاکرہ اعلام مذکور مآلندن
ا کلاشلدیغی اوزرہ دعوی واقعہ حقندہ غیاباً
ویریلان اعلام اوزرینہ متوفای مرقوم لیغور
حال حیاتندہ اعتراض علی الحکم استدعای اعطا
ایتدیکی حالده یوم معینده دعوتہ اجابت ایتدیکی
جهتلہ اصول محاکمہ حقوقہ قانون موقتک یوز
الی طقوزنجی ماده سنده کوسرتلیدی و جهلہ
استدعای مذکورک ردیلہ ا کتفا اولنق لازم
کاور ایکن محکمه جہ وکیل مسخر تعیینیلہ اساس
دعوانک بتکرار بالرؤیہ تحت حکمہ التمسی ماده
مبحوث عنہا مفاد صریحہ مغایر اولدیغی کی
کفلادن بر یسنک تأدیہ ایتدیکی دیندن حصہ سنہ
عائد اولان مقداردن فضلہ سیلہ دیگر کفیلہ رجوع
ایده بیلیمسی ایچون عقد کفالتک بین الکفلا
بالامر والقبول منعقد اولسی لازم کله جکنہ نظراً
خصوص منازع فیہدہ عقد کفالتک بوصورتہ
وقوعبولوب بولدیغنک تدریق اقتضا ایدر ایکن

بارطین محکمه سنجہ بوجہ نظر دقتہ التیوز
مدعی لفرک تأدیہ ایتدیکی بلفندن حصہ سنہ اصابت
ایدن مقدارک فضلہ سنک دیگر کفیل مرقوم
لیغور دن تحصیلہ حکم ویرلمسی مخالف قانون
اولدیقندن قانون مزبورک ایکوز اوتوز ایکنجی
ماده سی موجبہ اعلام مذکورک تقضیلہ ایکوز
قرق دردنجی ماده سی حکمہ توفیقاً کیفیتک صور
مشروحه دائرہ سنده یکیدن بالرؤیہ اعلامہ ربطی
ضمنندہ محکمه مذکورہ اعادہ سنہ وزیرده
مفرداتی مرقوم درتیوز اون طقوز بچق غروش
مصارف تمیزیہ نک ایلرودہ حقسز حقیقہ جق طرفہ
رجوع ایتک اوزرہ اول امرده مستدعیہ تمیزدن
اخذینہ ۲۷ نیشان سنہ ۳۱۰ تاریخندہ متفقاً
قرار ویرلیدی .

کلیک بدایت محکمه سندن ۳ کانون اول
سنه ۳۰۷ تاریخی و طقوز عددی ایلہ ویریلان
اعلامک تمیزی استعدا ایدن کلیک قضاسنک
قرہ جہ علی قریہ سی اہالی سندن ہاشم ایلہ میز علیہ

قریه مذکوره ده ساکن عمر یوم معینه دایره
ورود ایلدکرندن ایضاحات شفاهیه لری استماع
اولدقدن صکره تدقیقات تمیزیه اجرا سینه
ابتدار قلندی .

اعلام مذکورک خلاصه مالی مرقوم عمرک
زوجه سی متوفاه امینه نک عهده تصرفده اولدینی
حاله وقوع وفاته مبنی باباسیله کندوسی وایکی
نفر اولاد صفارینه شرعاً انتقال ایتش اولان
قریه مذکوره ده کائن ایکی قطعه زیتون و توت
بغچه لرندن مرقوم هاشمک فضولاً قبض ایتش
اولدینی معلوم المقدار حاصلاتدن حصه ارثیه سنک
تحصیلی طلب وادعا ایتسه قارشو مرقوم هاشم
حاصلات مذکورده بی قبض ایلدیکنی اعتراف
ایدوب انجق مذکور بغچه باطاپو مستقلاً
کندوسنک تحت تصرفده اولدینی مدافعه درمیان
ایتش ایسه ده ذکر اولنان بغچه حقنده سالف الیان
طاپو سندی تاریخندن صکره طرفینک محکمه
شرعیه ده جریان ایدن محاکمه لری نتیجه سنده
مرقوم هاشمک حقسنز چیقوب مذکور بغچه ده
اتی سهم اعتباریه بر حصه سی اولدینی اکلشلمسینه
مبنی قبضی اقرار ایلدیکنی حاصلات مذکورده دن
حصه سی بالتزیل متبایسنک قیمتی اولان ایکوز

سکز بچق غروشک مرقوم هاشمدن تحصیلنه
حکمدن ومستدعی تمیزک اشبو اعلام علیه ده
باشلوجه اعتراضاتی منازع فیه املاکه کیمک
طرفندن وضع ید اولدیفنک بالینه اثبات
ایتدیرلما سی مغایر قانون اولدیفندن بجنله اعلامک
نقضی استدعاسندن ومدعی علیه ک نتیجه جوابی
دخی اعتراضات مذکورده نک غیر وارد بولندینی
بیانیله ردی و اعلام مزبورک تصدیق طلبندن
عبارت بولنمشدر .

ایجابی مذاکره اولدقدن مندرجات اعلامدن
مستفاد اولدینی اوزره بدایه مدعی بولنان مرقوم
عمرک ادعای متوفاه زوجه سندن باباسیله کندوسی
وایکی نفر اولادینه انتقال ایدن باغچه لر
حاصلاتندن مرقوم هاشمک قبض ایتش اولدینی
حصه ارثیه سنک تحصیلی طلبندن عبارت اوله رق
حصه مذکورده نک دخی و قتیله شرع شریف
معرفیله تعیین ایدلش اولمسینه نظراً حاصلات
دعواسنک دخی محکمه شرعیه ده فصل وحسم
ایدلسی لازم کلور ایکن محکمه مذکورده جه
بوراسینه دقت اولنیه رق دعوی مذکورده نک
فصل وحسم ایدلسی وظیفه خارجنده اوله رق
مغایر قانون اولدیفنه بناء اصول محاکمه حقوقیه

موقتک ایکوز بکرمی طقوزنجی ماده سی موجبجه
تدقیقات تمیزیه اجرا سینه ابتدار قلندی .

اعلام مذکورک خلاصه مالی تیره قضاسینه
تابع آق قیونلی قریه سی جوارنده وکندی چفتاکی
اتصالنده کائن اوزون تپه دیمکله معروف اولوب
تفرغاً عهده تصرفده بولنان معلوم الحدود برقطعه
اراضینک اتی حصه ده بر حصه سنه متصرف اولان
مزبور علی اغا حصه مذکورده سنی اوتوز عدد
سیم مجیدیه بدل مقبوض مقابلنده کندوسنه فراغ
و تسلیم ایتش اولدینی حالده مأموری حضورنده
معامله فراغیه سیله تقریر رسمیسنی اعطادن امتناع
ایتمکله برابر حق دخولی اولدینی حالده مذکور
اراضی به جبراً کیروب اعمار ایتش اولدینی

ترلاسنی هدم وخراب وبر مقدار خنطه تخمین دخی
اخذ و غصب ایدرک کندوسنی اضرار ایلدیکندن
بجنله دوچار اولدینی ضرر و زیان و مصارفنک
مزبور علی اغادن تحصیلیه اراضی مذکورده
منع مداخله سی حقنده مرقوم یاقومی رانغوشی
طرفندن اقامه اولنان دعوییه شخص ثالث صفتیه
داخل اولان مومی الیه احمد افندی حصه
مذکورده کندوسیله شریکری نیقولاکی و اوپون
ایلیادی نام کسنه لره اولجه مزبور علی اغا طرفندن

قانوننک ایکوز اوتوز اوچنجی ماده سی موجبجه
اعلام مذکورک تفضیله قانون مزبورک ایکوز
قرق اوچنجی ماده سی حکمنه توفیقاً کیفینک محلی
محکمه شرعیه سنه حواله سنه و زرده مفرداتی
مرقم درتیوز طقوز بچق غروش مصارف تمیزیه نک
ایلروده حقسنز چیقوجق طرفه رجوع ایتک
اوزره اول امرده مستدعی تمیزدن استیفاسینه
۲۴ حزیران سنه ۳۰۹ تاریخنده اکثریت آرایله
قرار ویریلرک تفهیم قلندی .

تیره بدایت محکمه سندن ۲۸ نیسان سنه ۳۰۷
تاریخی وبر عددی ایله ویریلان اعلامک تمیزینی
استدعا ایدن تیره قصبه سنده مقیم بونان دولتی
تبعه سندن یاقومی رانغوشی ایله ممیز علیه قصبه
مزبورده نک آق قیونلی قریه سی اهالی سندن قوری
اوغلی علی اغا ونفس تیره ده ساکن حاجی امین
زاده احمد افندی یوم معینه دایره یه کلدکری کبی
مزبور احمد افندی طرفندن جواب لایحه سی دخی
کوندرلماش اولدیفندن اصول محاکمه حقوقیه قانون

موافق اصول و قانون اولوب اعتراضات مسروده نك واهی اولدینی بیانیله ردی و اعلامك تصدیق طلبندن عبارت بولمشد.

ایجابی مذاکره اولندقدہ اعلام مذکور مآلندن اکلاش-لدینی اوزره حصه نازع فیہانك مدعی علیہ علی اغا طرفندن مدعی یاقومی رانقوشه مأموری حضورندہ فراغ و تقریر رسمی اجرا اولمزدن مقدم شخص ثالث صقیله داخل دعوی اولان مومی الیہ احمد افندی و شرکاسی عہدہ لرینہ رسماً فراغ ایدلدیکی تین ایتس اولمسنہ نظراً مدعی مرقومك حصه مذکورہ منع مداخله طلبیلہ مدعی علیہ علی اغایہ خصوصتی توجہ ایتیمہ جکی بیانیله اولبایدہ کی ادعاسنك ردینہ قرار ویرلسی موافق اصول و قانون اولوب انحق مدعی مرقومك بدایہ اقامہ ایدلدیکی دعوی بالکر حصه مذکورہ منع مداخله طلبیلہ منحصر اولوب بدل فراغ ایلہ ضرر و زیان دخی درمیان ایتس و بو جهتلردن طولانی مدعی علیہ خصوصتی درکار بولمیش اولمسنہ کوره طرفینك اولبایدہ کی ادعا و مدافعہ لرینك استماع و تدقیقلہ تین ایدہ جک حالہ کوره برقرار ویرلسی مقتضیات قانونیہ دن بولندینی حالہ محکمہ مرقومه جسہ بورالرنك

فراغ اولنہرق طابوقلمنجہ معاملہ رسمیہ سی دخی اجرا قلندینی جهتله مدعی مرقومك رد ادعای لازم کله جکینی مدافعه بیان و انبا ایتسی اوزرینہ اجرا قلنان محاکمہ و تدقیقات نتیجہ سندہ من بور علی اغا منازع فیہ اراضی بی مدعی بہ فراغ ایتیمہ رک مومی الیہ احمد افندی ایلہ شرکاسی نیقولالکی و اوطون ایلادی بہ مأموری حضورندہ فراغ و تقریر ایدلدیکی جلب و مطالعہ ایدیلان طابو قیدندن اکلاش-لمش و حصه مذکورہ مفروغ بہارک واضع الید بولمیش اولمزرینہ مبنی محکله نك بیک التیوز اوتوز بشیجی مادہ سی موجبہ مدعی یاقومی رانقوشك من بور علی اغایہ خصوصتی توجہ ایتیمہ جکی بیانیله رد ادعاسنہ قرار ویرلدیکندن و مستدعی تمیزك اشبو اعلام علیہندہ لایحہ سندہ محرر اعتراضاتنك باشلوجہ سی حصه مدعا بہانك اولجہ من بور علی اغا طرفندن بدل مقبوض مقابلندہ کندوسنہ بیع و فراغ ایدلدیکی جهتله اخیراً وقوعی بیان اولنان معاملہ فراغیہ نك حکمی اولہ میہ جفی درکار ایکن محکمہ مذکورہ جسہ بوراسنہ دقت اولغیرق برمنوال محرر قرار ویرلسی مغایر قانون اولدیفندن بحثلہ اعلامك نقضی استدعاسندن و مدعی علیہمادن علی اغانك لایحہ سندہ مندرج نتیجہ جوابی دخی حکم واقع

مأموریت علیہ سنك مطالعہ نامہ سی اللدقدن صکرہ اصول محاکمہ حقوقیہ قانون موقتنك ایکوز یکریمی طقوزنجی مادہ سی موجبہ نتیجہ تدقیقات تمیزیہ اجرا سنہ ابتدار قلندی .

اعلام مذکورك خلاصه مآلی امانه اداره اولنان طقسان اوچ سنہ سی اعشارندن معشر حسن بکله محرر من بور حسین افندینك ذمتلری اولدینی مجلس اداره نك تحت تصدیقندہ بولنان محاسبہ قیودیلہ تین ایدن مبالغ معلومہ دن ایکی بیک ایکوز غر و شک من بور حسین افندیدن و قصورینك دخی معشر حسن بکدن سکة خالصه اولہرق تحصیللہ مال صندوقنہ تسلیمنہ حکمدن و مستدعی تمیز حسین افندینك اشبو اعلام علیہندہ لایحہ سندہ محرر باشلوجہ اعتراضی مأمورین علیہندہ اقامہ اولنان بوکی دعاوینك مجلس اداره دہ رؤیتی وظیفہ خارجندہ اولہرق مغایر قانون اولدیفندن بحثلہ اعلام مذکورك نقضی استدعاسندن و مارالبیان مطالعہ نامہ مندرجاتی دخی دعاوی واقعہ مدعی علیہک امور مأمورہ سنہ متعلق اولہرق رؤیتی مجلس اداره بہ عائد بولندیفنہ بناءً بدایت محکمہ سنجہ فصل دعوی اولنسی

مسکوت عنه براغلمسی یولسز و قانونہ مغایر اولدیفنہ بناءً اصول محاکمہ حقوقیہ قانون موقتنك ایکوز قرق برنجی مادہ سی موجبہ اعلام مذکورك نقضیلہ قانون من بورك ایکوز قرق دردنجی مادہ سی حکمنہ توفیقاً جهت منقوضہ نك اصلاحاً اعلامہ ربطی ضمنندہ محکمہ مذکورہ بہ اعادہ سنہ وزیردہ مفرداتی مرقم بشیوز اوتوزسکر غروش مصارف محاکمہ نك ایلرودہ حقسنر چیقہ جق طرفہ رجوع ایتك اوزره اول امردہ مستدعی تمیزدن النسنہ ۱۷ نیسان سنہ ۳۰۹ تاریخندہ اکثریت آرا ایلہ قرار ویرلدی .

شیران بدایت محکمہ سندن ۱۳ شباط سنہ ۳۰۶ تاریخی و اون طقوز عددی ایلہ صادر اولان اعلامك تمیزی استدعا ایدن شیران قضاسندہ قرہ کویدہ مقیم حسین افندی یوم معیندہ دائرہ کلدیکی و مدعی علیہ مالیه خزینہ جلبیلہ سی طرفندن بروکیل کوندولدیکی کی جواب لایحہ سی دخی ویرلماش اولدیفندن باش مدعی عمومیک

وظیفه خارجنده بولندینی بیانندن عبارت بولنمشدر .

ایجابی مذاکره اولندقدده اعلام مذکور مآلندن اکلشدینی اوزره دعوائی واقعہ امانتہ اداره اولنان سنہ مرقومه اعشارندن محرر حسین افندی ایله معشر حسن بکک ذمتلرینه کچورمش اولدقلری مبالغت تحصیل طلبنه متدائر اولسنه و بومثللو مأمورینک امور مأموره لرندن متحدث دعاوینک فصل ورؤیتی مجالس اداره یه عائد اولهرق محاکم نظامیه نک وظیفه سی خارجنده کورنسنه مبنی شیران بدایت محکمه سنجہ دعوائی مذکورہ نک رؤیتندن صرف نظر اولنمی لازم کلور ایکن محکمه مذکورہ جہ بوراسنه دقت اولنیهرق بر منوال محرر رؤیت و حکم ایدلمسی وظیفه خارجنده اولوب اصول و قانونه مفایر و مستدعی تمیزک اعتراضی ایله مارالبیان مطالعه نامه مندرجاتی دخی بوجہته متدائر اولهرق موافق نفس الامر کورلدیکنه بناء اصول محاکمه حقوقیه قانوننک ایکوز اتوز ایکنجی ماده سی موجبینجه اعلام مذکورک نقضیه قانون من بورك ایکوز قرق اوچنجی ماده سی حکمنه توقیفاً کیفیتک عائد اولدینی محلی مجلس اداره سنه حواله سنه وزیرده

مفرداتی مرقم درتیوز اون درت بچق غروش مصارف محاکمه نک ایلروده حقسنز چیقہ حق طرفه رجوع ایتک اوزره اول امرده مستدعی تمیزدن استیفا سنه ۲۵ اغستوس سنه ۳۰۹ تاریخنده متفقاً قرار ویرلدی .

آیدین استیناف محکمه سندن ۲۴ تموز سنه ۳۰۹ تاریخی و اتوزایکی عددی ایله ویریلان اعلامک تمیزینی آیدین قصبه سنک یار باشی محله سنده مقیم قوندره جی استفا اوغلی پنايوط باعرضحال استدعا ایتدیکی حالده یوم معینده دائر ديه کلیوب تمیز علیه محله مذکورده ساکن حاجی دیمو اوغلی یناقو وکیل ابراهیم ادهم بک ورود ایتمش اولسبله ایضاحات شفاهی سی استماع قلندقدنصرکه تدقیقات تمیزیه اجرا سنه ابتدار اولندی .

اعلام مذکورک خلاصه مالی مرقوم پنايوطک التیوز طقسان درت بچق لیرای عثمانی دینی مقابلنده ترهین ایدوب اخیراً دائره اجرا

معرفتیله مزایده اولنان قره پیکار نام محله کائن متصرف اولدینی معلوم الحدود التمش طقوز دونم باغ و باغچه سنک اثنای ارتها ننده داین یناقو و برادری مانولا کی جانبندن قبض وقوعبولدینی جهتله رهندن رجوع ایده بیله جکئی مدیون مرقوم ینایوطک ادعا ایتسنه کوره اثنای ارتها ننده قبض وتسليم وتسلم وقوعبولدینی مرتین بولنان داین مرقومانک اثبات ایتسی لزومنه دائر آیدین بدایت محکمه سندن صادر اولان حکم و اعلام اوزرینه استیفاً جریان ایدن محاکمه و تدقیقات نتیجه سنده منازع فیه باغ و باغچه یی اثنای رهنده داینلرک قبض وتسلم ایتدکاری ابراز اولنان بیع بالوفایه مخصوص ایکی قطعه دفتر خاقانی سندیله ثابت و متحقق بولنسنه مبنی اعلام مستأنف بهک فسخیله مرقوم پنايوطک قبض وقوعبولدینه متدائر اولان ادعای التفاته شایان اولدینی کی تسلیات وفاحش فائض ادعاسنه کلنجہ اساس دینک التیوز لیرادن عبارت بولندینی درجه اولی محکمه سندن جلب و مطالعه اولنان اوراق مالیله متین اولهرق درمیان اولنان تسلیات دخی مثبت اولمامقله مرقوم پنايوطک بوجہتله حقنده کی ادعاسنک ردینہ حکمدن و مستدعی تمیزک اشبو اعلام علیهنده لایحه سنده محرر اعتراضاتک

باشلوجه سی بدایه تسلیات وفاحش فائضک تدقیق انشای محاکمه ده طلب ایدلمش ایسه ده اشبو ادعالر حقنده بر حکم صادر اولدیفندن محکمه استینافیه جہ بو یولده برادعا درمیان اولنالمش ایکن تسلیات وفاحش فائض جهتک دخی بالتدقیق تحت حکمه التمسی مفایر قانون اولدیفندن بختله اعلامک نقضی استدعاسندن و تمیز علیه وکیلک نتیجه جوابی دخی اعتراضات واقعہ نک واهی بولندینی بیانیله ردی و موافق قانون اولان اعلامک تصدیق طلبندن عبارت بولنمشدر .

ایجابی مذاکره اولندقدده اعلام مذکور مطالعه سندن مستفاد اولدینی اوزره اعلام مستأنف بهک نتیجه مؤداسی منازع فیه باغ و باغچه نک حین ترهیننده تسليم وتسلم معامله سی وقوعبولدینک شهود شخصیه ایله اثباتنه متدائر اولسنه کوره عند الاستیناف اعلام ابتدائی مذکورک فسخندن صکره یالکر بوجہت حقنده تدقیقات لازمه بالاجرا نین ایده جک حاله کوره بر قرار ویریلرک درمیان اولنان تسلیات وفاحش فائض ادعالر حقنده بدایه بر قرار اتخاذ اولندینی جهتله اشبو ادعالرک احکام قانونیه دائره سنده تدقیق مقتضباتنه کیریشلمک اوزره

درجه اولی محکمه سینه اعاده مصلحت اولفق لازم
کلور ایکن محکمه مرقومه جه بوراسنه دقت
اولفیه رق بدایه بالتدقیق تحت حکمه النیان
نسیامات و فاحش قاض ادعایینک خود بخود
تدقیق ایدیلرک ردینه قرار ویرلسی اصول
و قانونه مغایر و مستدعی تمیزک اعتراضی دخی
بو جهته متدائر اوله رق موافق نفس الامر
کورلدیکنه بناء اصول محاکمه حقوقیه قانون
موقتک ایکیوز اوتوز ایکنجی ماده سی موجبجه
اعلام مذکورک تقضیه قانون من بورك ایکیوز
قرق دردنجی ماده سی حکمنه توفیقاً کیفیتک صور
مشروحه دائره سنده یکیدن بالرؤیه اعلامه
ر بطی ضمننده محکمه مذ کوره به اعاده سینه وزیرده
مفرداتی مرقم درتیوز طقوز بچق غروش مصارف
محاکمه نیک ایلروده حقسز چیه جق طرفه رجوع
ایتمک اوزره اول امرده مستدعی تمیزدن اخذینه
۱۵ شباط سنه ۳۰۹ تاریخنده متفقاً قرار
ویریلرک تفهیم قلندی .

قلعه سلطانیه بدایت محکمه سندن ۱۵ شباط
سنه ۳۰۷ تاریخی و یوز قرق عددی ایله استینافاً
صادر اولان اعلامک تمیزی استعداییدن مالیه
خزینة جلیله سی وکیل رشید افندی بوم معینه دائره به
کلش ایسه ده مدعی علیه ازین قضا سینه تابع بیرامیج
قریه سنده مقیم عاکف خواجه کلدیکی کی جواب
لایحه سی دخی کوندر میدیکندن وکیل مومی الیهک
ایضاحات شفاهیه سیله باش مدعی عمومی معاونلرندن
سمادتلو بورغا کی افندی نیک مطالعه سی استماع
قلندقدن صکره تدقیقات تمیزی به اجرا سینه
ابتدار اولندی .

اعلام مذکورک خلاصه مالی مومی الیه
عاکف خواجه نیک تحت التزامنده بولنان سیرابچق
وتولیر قریه لری محصولات عشریه سینه اصابت
ایدن خسارندن طولای دوچار اولدینی ضرر
وزیاننک بدل التزامدن تنزیلی طلب وادعا ایتسنه
قارشو محلی مال مدیری دخی بوکی خساراتک
بدل التزامدن تنزیلی ایجاب ایده جکنه دائر
صراحت قانونیه اولدیفندن بختله ادعای واقعت
ردینی مدافعه تذکار ایتش ایسه ده وقوع بولان
خسارک مومی الیه عاکف خواجه نیک تحت
التزامنده بولنان قریتین مرقومین حاصلات

عشریه سندن یدى بیک کسور غروش ضرره بادی
اولدینی بالكشف تحقق ایتسنه مبنی اعشار
اعلمیاتک قرق التنجی ماده سی حکمنه توفیقاً مبالغ
مذکورک بدل التزامدن تنزیلی حقدنه ازین بدایت
محکمه سندن صادر اولان اعلامک محکمه
مذ کوره جه استینافاً تصدیقه حکمدن و مستدعی
تمیز خزینة مشارالیه وکیلک اشبوع اعلام علیهنده
باشلوجه اعتراضاتی محکمه جه حاصلات عشریه نیک
مقدار یله بدل التزام حقدنه تدقیقات لازمه اجرا
ایدلکسزین مدعا به ضررک بدلتن تنزیله قرار
ویرلسی مغایر قانون اولدیفندن بختله اعلامک
نقضی استدعاسندن و معاون مومی الیهک مطالعه سی
دخی خسارات واقعه نیک کلیت اوزره وقوع بولوب
بولدینی تدقیق ایدلماش اولسنه مبنی اعتراضات
واقعه نیک موافق قانون اولدینی بیانندن عبارت
بولمشدر .

ایجابی مذاکره اولندقدنه مندرجات اعلامدن
مستفاد اولدینی اوزره مومی الیه عاکف خواجه نیک
تحت التزامنده بولنان قرای معلومه حاصلات
عشریه سندن متضرر اولدینی بالكشف تحقق ایدن
مبالغ معلومه نیک بدل التزامدن تنزیله قرار

ویرلس اولوب حالبوکه خسارات واقعه
مقدارینک اصل بدل التزامه نسبتله نه مقدار به بالغ
اولدینی تدقیق ایدیلرک اعلام تمیز به درج و تمیز
ایدلسی لازمه دن ایکن بوراسنک اعلام مذ کورده
ذکر وتصریح قلنامسی یولسز و قانونه مغایر
و مستدعی تمیز وکیلک اعتراضات یله معاون
مومی الیهک مطالعه سی دخی بو جهته متدائر
اوله رق موافق نفس الامر کورلدیکنه بناء اصول
محاکمه حقوقیه قانونک ایکیوز اوتوز ایکنجی
ماده سی موجبجه اعلام مذکورک تقضیه قانون
من بورك ایکیوز قرق دردنجی ماده سینه توفیقاً
کیفیتک یکیدن بالرؤیه اعلامه ر بطی ضمننده
محکمه مذ کوره به اعاده سینه وزیرده
مرقم اوچیوز قرق طقوز بچق غروش مصارف
تمیز به نیک ایلروده حقسز چیه جق طرفه رجوع
ایتمک اوزره اول امرده مستدعی تمیز مالیه
خزینة جلیله سندن النسنه ۵ کانون ثانی سنه ۳۰۸
تاریخنده متفقاً قرار ویریلرک تفهیم قلندی .

اعلان

هاجی یورکینک $\frac{۳۱۱}{۸۸}$ نومروسيله مقید
اعلام موجبنجه قسطلی ذمتده محکوم به الاجنی
اولان معلوم المقدار مبالغتک تأمین استیفاسی
ضمننده مدیون مرقومک متصرف اولدینی
بلاطده قره باش محله سنده بلاط جاده سنده یوز
یتشیدی نومرولی بر باب بالقجی دکاننده یوز
یکرمی سهم اعتبار یله اوتوز اوج سهم حصه
شایعه سیه محل مذ کورده حلواجی دینی دکانه
مربوط بر عدد استردیه قایقنده سنوی اون ایکی
بجق غروش ایجارلو حصه سنک جزئی بک اوغلی
بدایت محکمه سی ریاست اولیسی جانبندن تحت
قراره التمش اولدیغندن تاریخ اعلانندن اعتباراً
اون بش کون صکره بالزایده فروخته تشبث
اولنه جینی بک اوغلی اجرا مأموریتی جانبندن
اعلان اولنور .

فی ۱۳ حزیران سنه ۳۱۰

قیان دقایقده مغازه ده کیکجی استبان تللیانک
بشکطاشده حطب اسکله سنده مغازه ده ساکن ایکن
الیوم اقامتکاهی مجهول بولندینی خبر ویریلان
کیکجی آرتین اگا ازاریان علیه درسمادت محکمه
تجارتی ایکنجی مجلسنده اقامه ایلدیکی مطلوبات
ادعاسی اوچیوز اون سنه سی تموزینک یکرمجی
چهارشنبه کونی ساعت التیده فصل ورؤیت
اولنه جفندن یوم ووقت مذ کورده مرقوم آرتین
اگا ازاریانک بالذات محکمه من بوره ده حاضر
بولنسی ویاخود مصدق سندله بروکیل کوندرمی
لازم کله جکی وشاید کلز و وکیل کوندرمن ایسه
حقنده معامله قانونیه نک اجرا اولنه جینی معلوم
اولقی اوزره تنظیم اولنسان دعوتیه ورقه سی
محکمه نک دیوانخانه سنه تعلیق اولندینی کبی
اوراق حوادث واسطه سیه دخی اعلان کیفیت
ابتدار قلندی .

فی ۶ محرم سنه ۳۱۱

وفی ۲۷ حزیران سنه ۳۱۰

بر برلر کوشه اوسته سی علی بکک مطبع

افندی به اولان دیون محکومه سنک تسویه سیچون
مدیون مومی الیهک عهده تصرفده اولوب محجوز
بولنسان قوجه مصطفی پاشا جاده سنده اقرارجه
زقاغنده واقع اوتوز سکر نومرو ایله مرقم معلوم
الحدود وتخمیناً یوز یتش بش زراع برقطعه منزل
عرصه سی بوندن اقدام موقع مزایده به قونیه رقی
عثمانلی لیراسی یوز غروش حسابیله بیک ایکیوز
غروشده طالبی عهده سنده قالمش وتاریخ اعلانندن
اعتباراً اوتوز برکون یعنی کله جک تموزک اوتوز
برنجی بازار کونی ساعت اونه قدر یوزده بش
ضم قبول اولنسی و ذکر اولنسان یوم وساعتده
صوک مزایده سی بالاجرا قرار قطعیسی ویریلرک
طالبی عهده سنه کچورلمسی مقرر بولنش اولدیغندن
واندن صکره هر نه ضم وقوعبولور ایسه قبول
اولنجه جفندن مذ کور عرصه به یوزده بش ضمیمه
طالب اولنلرک ودها زیاده معلومات المقی استیانتلرک
بدل مزایده نک عشرینه مساوی پی اقیچه سیه
برابر مدت مذ کوره ظرفنده محکمه تجارت اجرا
دائر سنه مراجعت ایلملری ویوم ووقت مزبورده
مذ کور عرصه نک پیشکاهنده حاضر اولملری دائره
مذ کورده دن اعلان اولنور .

فی ۱ تموز سنه ۳۱۰

پترو اوغلی یورغاکی زوجیه سی انسطاشیه
قادینک $\frac{۳۱۱}{۸۸}$ نومروسيله مقید اعلام موجبنجه
مقدالینی قره جه قادین ایله مخدومی یورکی قره جه
ذمتلرنده اصالة وکفالة الاجنی اولان معلوم
المقدار مبالغتک تأمین استیفاسی ضمننده من بوره
مقدالینی قادینک جب عالیده سفر یقوز محله سنده
قنار جاده سنده متصرفه اولدینی یکرمی اوج
نومرولی بر باب خانه سی بک اوغلی بدایت
محکمه سی ریاست اولیسی جانبندن اعطا بیوریلان
قراره توفیقاً تحت جزیه التمش اولمسله تاریخ
اعلانندن اعتباراً اون بش کون صکره بالزایده
فروخت ایتدیریلرک بک اوغلی بدایت محکمه سی
اجرا مأموریتی جانبندن اعلان اولنور .

فی ۱۲ تموز سنه ۳۱۰

تیولیون فرانجه تینک $\frac{۳۱۱}{۸۸}$ نومروسيله مقید
اعلام موجبنجه عنکلیکی قادین ذمتده محکوم به
الاجنی اولان معلوم المقدار مبالغتک تأمین استیفاسی

ضمننده مديونه مزبورہ نك بك اوغلندہ حسين اغا
محلہ سندنہ حسين اغا سوقاغلندہ اون نومرولى
بر باب خانہ دہ متصرفہ اولدينى نلنان حصہ
شايعہ سندن بر حصہ سنك جزيلہ فروختى
بك اوغلى بدايت محكمہ سى رياست اولدى جانبدن
تحت قرارہ التمش اولديفندين تاريخ اعلاندن
اعتباراً اون بش کون صکرہ مذکور حصہ سنك
بالمزايده فروخته تشبث اولنہ جنى بك اوغلى اجرا
مأموريتى جانبدن اعلان اولنور .

في ۱۲ تموز سنہ ۳۱۰

ايضا اولقمقر بن مناستر تجارت محكمہ سى رياستى
جانبدن مورود ۱۹ مايس سنہ ۳۱۰ تاريخلى
تحريرات جوابيہ ايلہ اعادہ اولتمش و بناءً عليه
مرقومك اقامتگاہى مجهول اولدينى اكلاشلمش
اولمقندن ناشى دعواى مذکورہ نك اشبو بيك
اوچيوز اون سنہ سى ايلولنك اونىچى جمعہ ايرتسى
كونى ساعت يديده رؤيت اولتمق اوزرہ تعليقنہ
لزوم كورتمش اولديفندين اصول محاکات حقوقہ
قانوننك يكرمى التنبجى مادہ سنك فقرہ اخيره سى
منطوقنہجہ مرقوم تئودوس قومينيك يوم ووقت
مذکورہ محكمہ استيناف تجارت قسمندہ بالذات
وياخود مصدق بر قطعہ وکالتنامہ ايلہ وکیلنك
حاضر بولتمسى لازم کله جگہنى و عكسى تقدیرندہ
معاملہ قانونيہ ايضا اولنہ جنى بيانيلہ اعلان
کيفيتہ ابتدار اولنور .

في ۲۲ محرم سنہ ۳۱۲

وفي ۱۳ تموز سنہ ۳۱۰

مناستردہ میرا خور محلہ سندنہ مقیم تجارندن
تبقولا اندريا پانيت ايلہ مناستردہ مقیم تئودوس
قومينى بيننده متکون دعواى استينافيه دن طولايى
تنظيم قلنان و مرقومانندن تئودوس قومينى به تبليغ
اولتمق اوزرہ ارسال اولنان احضارنامہ نك مرقوم
تئودوس قومينيك مع قامليا مناستردن حرکتلہ
نمرہ به کيتديكى بيلنہ مديكى بيانيلہ معاملہ تبليغيہ سى

(مطبعة عامرہ دہ طبع اولتمشدر)